



SMALL BUSINESS

ESSENTIAL TAX GUIDE

(Afrikaans)



Follow us on



SARS
At your service

SARS se Noodsaaklike Belastinggids vir Kleinsake-ondernemings

Hierdie gids verskaf nuttige inligting vir klein-, mikro- en mediumondernemings (KMMO's) oor hul belastingverpligtinge ten opsigte van registrasie, indiening van opgawes en betalings by die Suid-Afrikaanse Inkomstediens (SARS). Dit sluit ook inligting in oor die verskillende belastingsoorte waarvoor jy aanspreeklik is volgens die grootte en aard van jou onderneming.

Gegewe die verskeie wetlike- en belastingverantwoordelikhede wat met verskillende besigheidstrukture gepaardgaan, is dit belangrik om te bepaal watter soort entiteit jy wil stig voor jy met jou besigheidsbedrywighede begin.

Verantwoordelikhede van 'n besigheidseienaar

Besigheidseienaars is daarvoor verantwoordelik om betyds en akkuraat by SARS in te dien en betalings te maak.



Belastingbetalings

Belasting kan deur eFiling of direkte bankoordrag gemaak word. Betalings moet betyds gemaak word om boetes en rente te vermy. SARS aanvaar na Desember 2020 nie meer tjeks nie.



Rekordhouding

Goeie rekordhouding help jou om te verduidelik wat op jou inkomstebelastingopgawe verklaar is wanneer SARS vrae oor die inligting in jou opgawe het. Die berging van stawende dokumente soos verkoopstrookies, fakture, kwitansies, bankdepositostrokies en ander dokumentasie, sal jou help om jou belasting sake beter te bestuur en seker te maak dat jy belastingnakomend bly.

Soorte ondernemings en belastingverantwoordelikhede

Soort onderneming	Beskrywing	Belastingverantwoordelikhede
Alleenhandelaar/ -eienaar	Werk op klein skaal en word deur individue in eie diens bedryf. Sluit die informele besighede in. Geen vereiste om by die Kommissie vir Maatskappye en Intellektuele Eiendomme (CIPC) te registreer nie.	Registreer vir persoonlike inkomstebelasting (PIB) en verklaar jaarliks jou besigheidsinkomste op die inkomstebelastingopgawe vir individue (ITR12). Jy moet SARS betaal voor die betalingspertyd wat op jou kennisgewing van aanslag (ITA34) aangedui word. • Registreer vir BTW - as jy kwalifiseer • Registreer vir LBS - as jy kwalifiseer en spesiale kleinsakebelastings: omsetbelasting, kleinsake korporasies (SBC) of ETI. • Betaling van verskuldige belastings.
Vennootskap	Twee of meer mense met 'n gemene belang wat saamspan om 'n besigheid te bedryf. Geen vereiste om by die CIPC te registreer nie. Elke vennoot sal afsonderlik belas word ooreenstemmend hul aandeel in die besigheid.	Registreer vir persoonlike inkomstebelasting (PIB) en verklaar jaarliks jou besigheidsinkomste op die inkomstebelasting-opgawe vir individue (ITR12). Jy moet SARS betaal voor die betalingspertyd wat op jou kennisgewing van aanslag (ITA34) aangedui word. • Registreer vir BTW - as jy kwalifiseer • Registreer vir LBS - as jy kwalifiseer en spesiale kleinsakebelastings: • omsetbelasting, SBC of ETI. • Betaling van verskuldige belastings

Soort onderneming	Beskrywing	Belastingverantwoordelikhede
Privaat/Openbare maatskappy of beslote korporasie	Formele besigheid wat vereis word om by die CIPC te registreer en 'n maatskappy-registrasienommer te bekom. Die maatskappy is afsonderlik van die eienaar en die eienaar word vereis om hul persoonlike inkomstebelasing in te dien.	Automatiese registrasie vir maatskappye inkomstebelasting (MIB) wanneer jy by die CIPC registreer en verklaar MIB jaarliks op die ITR14 • Registreer vir BTW - as jy kwalifiseer • Registreer vir LBS - as jy kwalifiseer en spesiale kleinsakebelastings: • omsetbelasting, SBC of ETI. • Betaling van verskuldige belastings
Koöperatief	'n Koöperatief word gevorm wanneer 'n groep mense met ge-mene belange saamspan om 'n bepaalde ekonomiese, maatskaplike of kulturele doel te bereik, soos 'n stokvel, gemeenskaplike landbou-onderneming, ens. 'n Koöperatief word vereis om by die CIPC te registreer. Koöperatiewe word as maatskappye belas.	Verwys na privaat/openbare maatskappye of beslote korporasies

Wanneer moet jy vir belasting registreer?



Sodra jy jou maatskappy by die Kommissie vir Maatskappye en Intellektuele Eiendom (CIPC) by www.cipc.org.za geregistreer het, sal SARS outomaties 'n maatskappye inkomstebelasting- (MIB-) -verwysingsnommer aan jou toeken. Die maatskappy se verteenwoordiger moet dan op SARS eFiling registreer om inligting by te werk en om elektronies en gerieflik met SARS sake te doen.

Alleeneienaars, diegene in eie diens en persone in vennootskappe moet direk by SARS deur SARS eFiling vir persoonlike inkomstebelasting (PIT) registreer.

Jou belastingverpligting

Individue in eie diens, of wat 'n besigheid het, word vereis om hul besigheid by SARS te registreer, belastingopgawes in te dien en die vereiste belastings betyds te betaal.

Wanneer registreer mens vir inkomstebelasting

Sodra jy jou maatskappy by die Kommissie vir Maatskappye en Intellektuele Eiendom (CIPC) by www.cipc.org.za geregistreer het, sal SARS outomaties 'n maatskappye inkomstebelasting- (MIB-) -verwysingsnommer aan jou toeken. Die maatskappy se verteenwoordiger moet dan op SARS eFiling registreer om inligting by te werk en om elektronies en gerieflik met SARS sake te doen.

Alleeneienaars, diegene in eie diens en persone in vennootskappe moet direk by SARS deur SARS eFiling vir persoonlike inkomstebelasting (PIT) registreer.

Verantwoordelikheid van 'n ondernemingseienaar

Besigheidseienaars is daarvoor verantwoordelik om betyds en akkuraat by SARS in te dien en betalings te maak. Ongeag of jy 'n belastingpraktisyn of iemand anders het wat belasting sake namens jou hanteer.

Belastingbetalings

Belasting kan deur eFiling of direkte bankoordrag gemaak word. Betalings moet betyds gemaak word om boetes en rente te vermy. SARS aanvaar na Desember 2020 nie meer tjeks nie.

Rekordhouding

Goeie rekordhouding help jou om te verduidelik wat op jou inkomstebelastingopgawe verklaar is wanneer SARS vrae daaroor het. Die berging van stawende dokumente soos verkoopstrookies, fakture, kwitansies, bankdepositostrokies en ander dokumentasie, sal jou help om jou belasting sake beter te bestuur en seker te maak dat jy belastingnakomend bly. Rekords moet vir vyf jaar, vanaf die datum van indiening van die belastingopgawe, gehou word.

Gerieflike maniere om met SARS sake te doen

Meeste van jou interaksie met SARS sal aanlyn deur SARS eFiling geskied. Indien jy as individu handeldryf en nie 'n inkomstebelastingverwysingsnommer het nie, moet jy eers as belastingpligtige op eFiling registreer om 'n profiel te skep. 'n Belastingverwysingsnommer sal dan aan jou toegeken word..

Om vir eFiling te registreer:

Besoek die SARS-webtuiste www.sars.gov.za en klik eFiling, dan *REGISTER NOW*; of

Indien jy as alleeneienaar of in 'n vennootskap handeldryf - laai die SARS MobiApp van die Google Playstore (Android) of Appstore (Apple) af en tik op *REGISTER*.

Jy kan ook die video "How to register for eFiling" op die SARS TV-kanaal op YouTube kyk.

Sodra al jou inligting bygewerk is, veral bankbesonderhede, kontakbesonderhede en maatskappyverteenwoordiger, kan jy vir ander belasting sake soos BTW, LBS, ens. op eFiling registreer sonder om 'n SARS-tak te besoek.

Spesiale belasting sake wat op kleinsake-ondernemings van toepassing is

Daar is verskeie belastingvoordele (aansporings) vir kwalifiserende kleinsake-ondernemings soos omsetbelasting, kleinsake korporasie belasting (SBC) en indiensnemingbelastingaansporing (ETI).

1. Omsetbelasting

Omsetbelasting beoog om belasting te verminder, belastingnakoming makliker te maak en die administratiewe las op mikro-ondernemings met 'n omset van R2,3 miljoen of minder, te verlig.

Die omsetbelastingstelsel is 'n enkele belastingstelsel wat inkomstebelasting, BTW, voorlopige belasting, kapitaalswinstbelasting en dividendebelasting vervang. Kwalifiserende ondernemings sal een (1) soort belasting verklaar (tensy met 'n BTW- of LBS-opsie) en betaal, en eers belasting begin betaal wanneer hul jaarlikse omset R600 000 oorskry.

‘n Kleinsake onderneming wat vir omsetbelasting geregistreer is, kan kies om ook vir BTW te registreer.

2. Kleinsake-korporasie (SBC)

Kleinsake ondernemings met ‘n jaarlikse omset van tot R20 miljoen, kan kwalifiseer om inkomstebelasting teen ‘n verminderde koers te betaal. Indien jy op jou inkomstebelastingopgawe (ITR14) aangedui het dat jy ‘n kleinsake-onderneming is, en aan al die nodige vereistes voldoen, sal die verminderde koerse outomaties toegepas word. Dit is nie nodig om vir die verminderde koerse aansoek te doen nie, omdat jou SBC-status bepaal sal word deur die inligting op jou ITR14.

Belasting op toegevoegde waarde (BTW)

Besighede met ‘n geskatte of werklike omset van meer as R2,3 miljoen word vereis om vir BTW te registreer en 15% BTW te hef op die belasbare leweringe van goedere en dienste.

Kategorieë vir BTW-registrasie:

Kategorieë vir BTW-registrasie:	Vrywillige registrasie
Jy word vereis om vir BTW te registreer indien jou verkope meer as R2,3 miljoen in enige 12-maandetydperk behaal of indien jy verwag dat jou verkope dié bedrag sal oorskry ten opsigte van ‘n geskrewe kontraktuele verpligting.	Jy kan vir vrywillige registrasie aansoek doen al is jou belasbare leweringe minder as R2,3 miljoen. Die vereiste is dat die belasbare leweringe reeds die minimum drumpel van R120 000 moes oorskry of waarskynlik R120 000 in ‘n 12-maandetydperk sal oorskry. Registrasie vir BTW is maklik en gerieflik op SARS eFiling.

Werknemersbelasting (LBS)

‘n Werknemer wat vir LBS geregistreer is of vereis word om daarvoor by SARS te registreer sal ook vereis word om vir vaardigheidontwikkelingsheffing (VOH) en werkloosheidversekeringsfonds (WVF) te registreer en die bydraes aan SARS oor te betaal.

Maak seker dat jy binne 21 werksdae nadat jy ‘n werkgewer word by SARS registreer, dat jy LBS en WVF van jou werknemers se salarisse of lone aftrek en dit op ‘n maandelikse basis aan SARS oorbetal. Hierdie betalings moet binne sewe (7) dae na die einde van die maand gemaak word. As werknemers se salarisse die gestelde drumpels oorskry.

Voorlopige belasting

Alle maatskappye word outomaties vir voorlopige belasting geregistreer met registrasie vir maatskappye inkomstebelasting. Individue met kleinsake-ondernemings, wat 'n inkomste verdien uit sodanige onderneming, buiten salaris, moet vir voorlopige belasting registreer. Jy moet twee keer per jaar 'n opgawe vir voorlopige belasting (IRP6) indien en 'n betaling maak vir jou geskatte inkomste.

Hierdie opgawe kan deur SARS eFiling ingedien word. As jy vir omsetbelasting geregistreer is, hoef jy nie 'n IRP6 in te dien nie..

Maatskappye inkomstebelasting (MIB)

Maatskappye moet hul inkomste jaarliks verklaar deur 'n inkomstebelastingopgawe (ITR14) in te dien sodra hul registrasie gefinaliseer is. Die verklaring moet akkuraat wees, met alle inkomste en uitgawes uiteengesit, sodat onder- of oorbelastingaanslag vermy word. Vir die jaar van aanslag wat op of na 31 Maart 2023 eindig, is die maatskappye inkomstebelastingkoers 27% (voorheen 28%).

Belastingopgawe indieningstydperke per belastingsoort

Belastingsoort	Gereeldheid van indiening	Belastingvorm	Notas
Maatskappye inkomstebelasting (MIB)	Een maal per jaar volgens die maatskappy se finansiële jaareinde	ITR14	Die maatskappy het 12 maande na die finansiële jaareinde om die MIB-vorm, bekend as die ITR14, in te dien. Die finansiële jaareinde word op die maatskappy se CIPC registrasiesertifikaat aangedui.
Persoonlike inkomstebelasting (vir individue in eie diens)	Een maal per jaar soos aangekondig deur SARS gedurende belastingseisoen	ITR12	Alleeneienaars, individue in eie diens en in 'n vennootskap, moet hul besigheidsinkomste op hul ITR12 verklaar.
BTW	Elke twee (2) maande voor die 25ste	VAT201	Die tydperk sal met registrasie toegeken word en sommige maatskappye kan moontlik vereis word om elke maand in te dien.
LBS	Maandeliks op of voor die 7de	EMP201	Die indiening is verskuldig binne sewe (7) dae na die maand waarin die belasting van die werknemer afgetrek is.
Voorlopige belasting	Twee maal per jaar	IRP6	Vir maatskappye: Die eerste indiening is verskuldig ses maande vanaf die begin van die finansiële jaar. Die tweede indiening is verskuldig aan die einde van jou finansiële jaar.

Belastingsoort	Gereeldheid van indiening	Belastingvorm	Notas
Omsetbelasting	Een maal per jaar	TT03	Die indiening van omsetbelastingopgawes word een maal per jaar gedoen volgens die maatskappy se finansiële jaareinde of indiening van die jaarlikse inkomste-belastingopgawes, tussen 1 Julie en 31 Januarie of die volgende jaar vir individue.
Werkgewer-rekonsiliasie	Einde Oktober en einde Mei	EMP501	Eerste interim indiening is verskuldig einde Oktober en die finale indiening einde Mei.

VRYWARING: Die inligting wat in hierdie blaadjie vervat is dien slegs as riglyn en word nie as regsverwysing of 'n bindende reël beskou nie. Die inligting vervang geen wetgewing nie en lesers wat twyfel oor enige aspek van die inligting hierin moet na die toepaslike wetgewing verwys of die formele opinie van 'n geskikte, gekwalifiseerde individu aanvra.

Vir meer inligting kan jy -

- Die blad vir kleinsake-ondernemings op die SARS-webtuiste www.sars.gov.za besoek.
- Die SARS-kontaksentrum by 0800 00 7277 skakel. Indien jy van oorsee skakel, by +27 11 602 2093 (slegs tussen 08:00 en 16:00 Suid-Afrikaanse tyd).
- 'n Afspraak maak om 'n SARS-tak te besoek aanlyn op SARS se eBooking-stelsel by www.sars.gov.za.

Kontak ons



e-Kontak

Besoek die Small Business-
blad op die SARS-webtuiste
www.sars.gov.za

Maak 'n afspraak op
www.sars.gov.za



Skakel

SARS-kontaksentrum
0800 007 277

Indien u van oorsee skakel,
op +27 11 602 2093
(slegs tussen 08:00 en
16:00 Suid-Afrikaanse tyd).

SKANDEER MY



Volg ons op



2020

